



AEU-2

KALAALLISUT ALLATTARIARSORNEQ / GRØNLANDSK SKRIFTLIG FREMSTILLING MAJ 2015

Piffissami nal. ak./Tidspunkt.:

Eqimattani oqaloqatigiinneq / Samtalerunde kl. 9.00 - 9.30

Kisimiilluni allaaserisaqarneq / Individuel besvarelse 9.45 - 12.00

Ulloq misilitsiffik/Dato:

Tallimangorneq/fredag den 22. maj 2015

Ikiutitut atorpeqarsinnaasut / Hjælpemidler:

Oqaatsit / Ordbøger:

Nudansk

Kalaallisut - Qallunaatut / Grønlandsk - Dansk

Qallunaatut - Kalaallisut / Dansk - Grønlandsk

Misilitsinnerup sivisussusaa / Varighed:

Akunnerit pingasut / 3 timer

Atuartup aqqa / Kursistens navn:

Cpr. Nr. :

Piareersarfik:

Nakkutilliisup atsiornera / Prøvevagtens navn:

Piffissaq tunniussiffik / Tidspunkt for aflevering:

ALLAASERISASSANI TOQQAGASSAQ 1

Qaarsuni aalisakkaniit Nalunami kultimut

Job Nielsen assersuutissaalluarpoq sorusukkaanni susoqarsinnaasoq. Kisianni aamma sapiissuseqartoqartariaqartoq inuunerup allanngortilaarsinnaanissaanut suliarisat pitsaavallaanngitsumik ingerlasimagaangata. Nunaqarfimmi aalisartuusimavoq, aatsitaassarsiorfimmili sulinissaq qinersimavaa, maannakkullu kultisiorfimmi Nalunami sulilluni.

Job Uummannap eqqaani Qaarsuni peroriartorsimavoq, naligin-

naasumik kalaallit angerlarsimaffianni alliarlorluni. Angutaa aalisartuusimavoq anaanaalu angerlarsimaannartuusimavoq angerlarsimaffik paaralugu ilaqutariillu ajunngitsumik atisaqarnissaat isumagisarsimallugu. Jobip piaartumik paasisimavaa, aalisarnikkut aningaasarsiorsinnaanini. Ilinniartigisimaqaa aalisartuunerlu nuannarisimavaa, atuarnarlu matumani peqqutaavoq naammassillugu ingerlassimannginnamiuk. Job massakkut 34-nik ukioqarpoq aalisartuujunnaarsimavorlu. Kuultisiorfimmi Nalunami nunatta kujataaniittumi sulivoq.

Job inuusuttugami siunissaq pillugu eqqarsartorujussuunngilaq. Aalisartuunermini aarleqquteqarani inuuvoq aningaa-sarsiorluarporlu. Kingornali suli aalisartuutilluni siunissaq eqqarsaatigisalersimavaa. Aalisarnermi pisassanik aalajangiisoqartalersimavoq, siornatigumullu naleqqiullugu aalisarneq aningaasarsiutaalluarunnaarsimavoq. Isumaqarpoq aalisartuuneq pissarsinarpallaarunnaartoq.



Allatut pisoqartariaqarpoq

24-nik ukioqarluni Jobip aalajangerpaa atuarnini nangeqqittariaqarlugu. Allatut pisoqartariaqarpoq. Piffissap ilaani Uummannami unnukkut atuarsinnaaneq periarfissaajunnaarpoq, pikkorissaqqinniarlunilu Nuummukartariaqarsimavoq. Angalanini nammineq aningaasartuutigisimavaa - taamani taamaappoq - aallaramilu qallunaatut tuluttulluunniit oqalussinnaasimangilaq.

"Inuit ilaasa tuluttut oqalunnissartik qunugisarpaat. Aamma uanga taamaassimagaluarpunga. Oqalunniilulluni ittoornartaqaaq. Eqqarsartarpunga tuluttut oqalunniaraluaruma illaatigissavaannga. Kisianni allat qanoq eqqarsarnerisut eqqarsaatigivallaartariaqanngilaq. Kanngusuttassanngilagut. Nammineerit misiliillutillu! Pikkorinnerulerusukkuit, taava misiliisariaqarputit."

Ullumi Job tuluttut oqaatsimisulli oqalussinnaavoq. Nalunami sulinermini tamanna iluaqtigeqaa, taanna nunani allamiut suliffiutigaa. Aatsitassarsiorfimmi sulisut Canadameersuupput, Tuluq Nunaannit aamma Islandimit. Inuiaat allat suleqatigissagaanni aamma aatsitassarsiorfimmi malittarisassat paasisinnaassagaanni naammaginartumik tuluttut oqalussinnaasariaqarpoq.

Pikkorissarnerit suliffissarsisinnaanera aqutissarsiuuppaa

Uummannami suliffisarsiuussisarfiup Job neqroorfigaa Pikkorissarfik PKU-mukarsinnaasoq Aatsitassarsiorneq tuluttut Oqaatsinik Pikkorissarfimmi Sisimiuniittumi ingerlassinnaagaa. Job akuersivoq, pikkorissarninilu nuannareqaa. Aatsitassarsiornermi tuluttoortut immikkoortut marluk pikkorissarfigereeramigit Common Corimut pikkorissarnernut tiguneqarpoq pikkorissarnerlu ataaseq ingerlatereeramiuk suliffissarsiorluni aatsitassarsiorfinnut qinnuteqarpoq. Nalunamilu suliffittaarpoq maaji 2010-milu aallartilluni.

Jobip misilittagaata takutippaa piunassuseqaraanni angusaqartoqarsinnaasoq. Ilinniarsinnaanerit aamma pikkorissarsinnaanerit periarfissaapput, iliuuseqarusuttunut.

Massakkut Jobip takorlooppaa arktisk ingeniøringorniarsinnaanissani, kisianni aamma avataani qillerivinni uuliasiorfiit takkukkiartuortalersut soqutigisinnaavai.

Tigulaarinniffik: Piumaguit!/Du kan, hvis du vil! Namminersorlutik Oqartussanit, Inuusutissarsiornermut Sulisoqarnermullu Naalakkersuisoqarfik

Toqqagassaq 1-ip suliassartaasa aappaat

- Allamiut oqaasiinik killilimmik pisinnaasaqartarneq annikitsumik isummersorfigiuk.
- *Skriv kort din mening, om sprogmæssige begrænsninger.*

Toqqagassaq 1-ip suliassartaasa pingajuat

- Illit siunissami pilersaarutitit takorluukkersaarutigikkit.
- *Skriv dine egne fremtidsplaner.*

ALLAASERISASSANI TOQQAGASSAQ 2



Ilinniarfigerusutami ilinniarneq

Igasoq susassaaleqisariaqanngilaq, igasoq Kalaallit Nunaanni igasunut iggarinneqqusaannermi peqataasinnaavoq. Martin Krogh 19-inik ukiulik Qasigiannuarmi, Avannaata Ilinniarneruunngorniarfiani ukioq kingulleq ilinniartuavoq. Martin Kroghip sivisuumik sulinissani aamma iganeq nuannareqai.

Igasut igaannarneq, ajorput. Igasormi aamma kisitsisinnaasariaqarpoq, tassami nerisassat proteiniin kisinneqarsinnaasariaqaramik, Martin angut qungujulasuusoq oqarpoq.

Martinip igasunngorsinnaanissani pillugu ilaqtutani oqaloqatigisarpai. Atsaga igasutut ilinniarimasuavoq, tamanna pillugu sunik tamanik oqaluttuutarpaanga. Atsaga aamma oqartarpoq, igasut sivisuumik sulisartut. Uangali sivisuumik sulineq aamma iganeq nuannareqaakka. Taamaammat igasunngornissara kisiat pilerigivara, Martin oqarpoq.

Martin aasamut GU-mi naammassissaaq, Inuilimullu Narsamiittumut ilinniarartinnani misilittagassarsioqqaarusup-poq.

- Ukioq ataaseq atuangiffeqaqqaarniarpunga, atuangiffeqarninni neriniartarfimmi suleqqaarusuppunga misilittagaqalernissara anguniarlugu, Martin oqarpoq.

Torrak!!!!

Igasoq sulinermini qaqortunik sulliseqartarpoq.

- Nalunngilara siullerpaamik igasut sullisaannik atiseqqaaruma, assut imminut tulluusimaarutigissallunga. Tamannami takorluugaraara, Martin oqarpoq.

Martin avannaamiuavoq, Inuililu inuussutissalerinermik ilinniarfik Narsamiilluni. Martinip kujataani najugaqalernissani ajornartorsiutigissanerpaa?

- Nunatta Kujataata takunissaa qilanaaraara, aamma allamut nuulluni ilinniarinissaq nuannissaqaaq. Kisiannili igasut nunatsinni iggarinneqqusaannerannut peqataanissara qilanaarnerpaavara. Isumaqaarpunga igasunut iggarinneqqaatsitsisarneq torrassuusoq, Martin oqarpoq.

Martinip iggarissuunini kammalaatiminut uppernarsareepaa.

- Kammalaatikka igaannut narrunngisaannarput. Iganermi pannakaaliornissara nuannarinerpaavara, tamanna nas-suerutigisariaqarpara, Martin qungujorujussuarluni naggasiivoq.

Ilungersorneq iluaqutaavoq

Ilinniarnermi angusiuannarsimagaanni, aatsaallu siullermik angusinngitsoorluni artornartuavoq, kisiannili ilungersor-luni ingerlaqqinnissaq pisariaqartoq, nakorsanngorniaq Ivalu Spange Frederiksen isumaqarpoq.

Ivalu Spange Frederiksen Narsarmiu 26-nik ukiulik, ukiut qulingiluat matuma siornagut, AG-p saqqaani siunissami nunatsinni ilisimatuunngortussatut taaneqarpoq. Taama taaneqarneranut pissutaavoq, meeqqat atuarfianni soraarum-meerami assut angusarissaarami. Ullumikkut ukiut qulingiluat qaangiummata, Ivalu nakorsanngorniarluni Århusimi najugaqarpoq. Ivalu maanna bacheloritut naammassinikuuvoq, kandidatitullu semesteri siulleq ingerlallugu. Suut tamarmik ajunngeriarpata, Ivalu 2012-imi nakorsanngussaaq.

Nakorsanngorniarneq sakkortoqaaq, imminut angisuumik piunaffiginissaq pisariaqarami. Nakorsanngorniat tamar-mik, ilinniarneruunngorniarnerminni assut angusarissaartarput. Nakorsanngornialli amerlanersaasa, ilinniarnerminni angusinngitsoorneq misigisarpaat.

- Inuuninni angusinngitsoorneq misiginikuunngisaannarpara, nakorsanngorniarinnini angusinngitsooqqaarama ajoqaaq. Angusinngitsooramali eqqarsarpunga, Danmarkimi ilinniartuni pikkorinnerpaat ilinniaqatigaakka, tulliani misilitseqqi-leruma sukataarneruinnassuunga.

Kammalaatit

Nakorsanngorniaaraanni kammalaatinut piffissaqarniarneq ilaatigooriarluni piffissaasuanarsinnaasarpog.

- Misilitsittussaattillunga sivisuumik piareersartarpunga, tassani piareersarninni ilaatigooriarlunga kammalaatikka qaammat ataaseq qaammatiniluunniit marlunni takuneq ajorpakka. Kammalaatikka eqqaamasaraluaqaakka, nalunngi-lara aamma kammalaatima nalunngikkaat eqqaamaneqarlutik. Kisiannili, ilinniarnera piffissami tassani sallituttarpara. Ivalu nakorsatut naammassiguni nunatsinnut uterniarpoq, nalunnginnamiuk nunatsinni nakorsanik kalaallisut qallu-naatullu oqalussinnaasunik amigaateqartoqartoq.

- Danmarkimi ukiorpassuit najugaqarnikuugama, nunatsinnut uteqqinnissara qilanaareqaara. Aammami kammalaatima nunatsinniittut najoqqilernissaat qilanaaraara.

Toqqagassaq 2-p suliassartaa siulleg

- Atuagassaq ilanngunneqartoq atuariarlugu, apeqquiti tassunga tunngasut akikkitt.
- *Læs artiklen og besvar spørgsmålene vedrørende den.*

1. Igasuulluni sulineq qanoq ingerlasarpa (sivisutigisarpa) ?

2. Sooruna Martin igasunngorusuttoq?

3. Igasoq, iganerup saniatigut susinnaasariaqarpa?

4. Sunaana Martinip tulluusimaarutigissamaaraa?

5. Iganermi suliussalluni nuannarinerpaavaa?

6. Ivalo sutut ilinniagaqarpa? Sumilu?

7. Ilinniakkani naammassiguniuk suna takorloopaa?

8. Ilungersorneq qanoq iluaqutaava?

9. Ivalo qanoq imminut piumaffigitigisarpa?
